

Ո Ր Ո Շ ՈՒ Մ N 20

(մաքսային վճարների գանձման վերաբերյալ)

26 նոյեմբերի 2015թ.

ք. Երևան

ՀՀ ՖՆ ՄՃՓ տ/մ պետ Հ. Ստեփանյանս, ուսումնասիրելով «Շատո առնո» ՍՊ ընկերության (ՀՎՀՀ 01546636, պետ. գրանցման համար թիվ 273.11.03549) կողմից 12.11.2014թ. թիվ C-13321 ՄՀ-ով «Ներմուծում՝ ազատ շրջանառության համար» /ներկայումս <<Բացթողնում՝ ներքին սպառման համար>>/ մաքսային ընթացակարգով ձևակերպված շալցման սարքի մասերի մաքսային ձևակերպման փաստաթղթերը,

Պ Ա Ր Զ Ե Ց Ի

«Շատո առնո» ՍՊ ընկերությունը 12.11.2014թ. թիվ C-13321 ՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրել է շալցման սարքի մասեր, որոնց ավելացված արժեքի հարկի վճարումը, ըստ վերը նշված մաքսային հայտարարագրի, հետաձգվել է մինչև 12.11.2015թ., սակայն ընկերությունը սահմանված ժամկետում չի վճարել այդ ռեժիմով նախատեսված ավելացված արժեքի հարկը: Հայտարարագիրը 12.11.2014թ.-ին ընդունվել է մաքսային մարմնի կողմից, ինչի կապակցությամբ հայտարարագրի վրա նշվել է հայտարարագրի ընդունման համարը և ամիս, ամսաթիվը (թիվ L-11223): Հայտարարագրի ընդունման պահին գործող ՀՀ մաքսային օրենսգրքի 25-րդ հոդվածի համաձայն՝ «Ներմուծում՝ ազատ շրջանառության համար» մաքսային ռեժիմը կարգավորում է ապրանքների և տրանսպորտային միջոցների ներմուծումը ՀՀ մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ: 12.11.2014թ. թիվ C-13321 ՄՀ-ով հայտարարագրված ապրանքների համար ենթակա է վճարման ավելացված արժեքի հարկ և տույժ՝ սահմանված ժամկետում ԱԱՀ-ի գումարը չվճարվելու համար:

«Մաքսային կարգավորման մասին» ՀՀ օրենքի 89-րդ հոդվածի 1-ին կետի համաձայն՝ մաքսային վճարներ են համարվում մաքսատուրքը, մաքսային մարմինների վճարվող ավելացված արժեքի հարկը, ակցիզային հարկը և մաքսավճարը: Նույն հոդվածի 4-րդ կետը սահմանում է, որ մաքսային մարմիններին վճարման ենթակա հարկերի և այլ վճարների հետ կապված հարաբերությունները կարգավորվում են ՀՀ օրենքներով: Իսկ «Ավելացված արժեքի հարկի մասին» ՀՀ օրենքի 6.1-րդ հոդվածի 1-ին մասի 5-րդ պարբերության համաձայն՝ սույն հոդվածի նույն մասին համապատասխան հետաձգված ԱԱՀ-ի գումարները ենթակա են վճարման պետական բյուջե մինչև ժամկետը լրանալու օրը: Նույն հոդվածի 3-րդ կետը սահմանում է, որ սույն հոդվածի առաջին և երկրորդ մասերով սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը և այդ գումարների նկատմամբ հսկողությունն իրականացնում է մաքսային մարմինը, իսկ ԵՏՄ անդամ պետություններից ներմուծվող ապրանքների մասով հարկային մարմինը: Հաշվարկված ԱԱՀ-ի գումարները և սահմանված ժամկետում չվճարված գումարների նկատմամբ հաշվարկված տույժերը վճարվում են որպես մաքսային մարմինների կողմից պետական բյուջե հավաքագրվող գումարներ, իսկ ԵՏՄ անդամ պետություններից ներմուծվող ապրանքների մասով՝ որպես հարկային մարմինների կողմից պետական բյուջե հավաքագրվող գումարներ: Իսկ «Մաքսային կարգավորման մասին» ՀՀ օրենքի 115-րդ հոդվածի 2-րդ կետի համաձայն՝ մաքսատուրքի, հարկերի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար վճարողից գանձվում է տույժ՝ ժամանակին չվճարված մաքսատուրքի, հարկի գումարի 0,15 տոկոսի չափով, բայց ոչ ավելի, քան 365 օրվա համար:

Հաշվարկ՝

Հիմք ընդունելով ՀՀ ՖՆ ՄՃՓ տարածաշրջանային մաքսատան գանձումների համակարգման և հաշվառման բաժնի գլխավոր մաքսային տեսուչ Ա. Պապոյանի կողմից կազմված տեղեկանքով ներկայացված հաշվարկը՝ «Շատո առնո» ՍՊ ընկերության կողմից թիվ C-13321 մաքսային հայտարարագրով հայտարարագրված շալցման սարքի մասերի համար 23.11.2015թ.-ի դրությամբ ՀՀ պետական բյուջե ենթակա է վճարման 356908 ՀՀ դրամ, որից 351634 ՀՀ դրամ ԱԱՀ և 5274 ՀՀ դրամ տույժի գումար՝ հետաձգված ավելացված արժեքի հարկը սահմանված ժամկետից ուշ վճարելու համար:

Ելնելով վերոգրյալից և ղեկավարվելով «Ավելացված արժեքի հարկի մասին» ՀՀ օրենքի 6-րդ, 6'-րդ հոդվածներով, «Մաքսային կարգավորման մասին» ՀՀ օրենքի 115-րդ հոդվածի 2-րդ կետով և «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. «Շատո առնո» ՍՊ ընկերությունից հոգուտ պետբյուջեի գանձել **356908 ՀՀ դրամ**, որից **351634 ՀՀ դրամ** ԱԱՀ և **5274 ՀՀ դրամ** տույժի գումար՝ հետաձգված ավելացված արժեքի հարկը սահմանված ժամկետից ուշ վճարելու համար:
2. Որոշման մասին օրենքով սահմանված կարգով տեղյակ պահել «Շատո առնո» ՍՊ ընկերությանը /հասցե՝ Նոր-Խարբերդ, Եր. Քոչարի 21/1 114 /:

Որոշումն ուժի մեջ է մտնում այն ստանալու պահից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

ՄՃՓ տ/մ պետ



Հ. ՍՏԵՓԱՆՅԱՆ